

春融堂集

春融堂集卷二十七

青浦王昶 德甫

琴畫樓詞

惜餘春慢

題受銘丁辛老屋圖小幀

雨屋疎槐煙籬短篠隱約蕭齋十笏分泉試莽剔石栽花長
是吟商散髮拂盡京華軟紅竹簟蕉衣那愁炎暘似鴛鴦湖
畔柴扉蘼蘼逕半臨清樾想幾日畫省歸來掩關蹋壁不信
家鄰珠闕試箋視草聽漏含香也勝江湖飄忽祇我春明路
遙淚溼青衫琵琶怨月幸故園無恙且須料理墮田鹿檠
綺羅香

曉入西華門過金釐玉蟬芙蓉盛開有賦

太液秋澄華林曉霽放盡池荷千柄幾曲魚梁倒拂綠波虹
影竹露重寶鈿青敲葦風涼舞衣紅冷似瑤天一道銀河瓊

宮縹緲隔清景 金源舊事曾記多少碧虛樓閣遙依雲嶺
柳線蘋花都入蓬壺仙境臨紺塔雪鷺雙飛遶粉牆玉驄齊
騁底須尋圓泖湖亭月涼移畫艇

露華

題仙妹采菊圖

玉山秋晚漸柔柔金鈴開到松晚鴈影度江應悵採芳人遠
誰知偷擬靈均思與木蘭同薦筠籃貯還宜鬢鴉插處微顫
霜楓乍照蒼巘算不比緗桃曾引劉阮恰笑芙蓉仙侶淚
痕紅泣彷彿翠袖天寒只少叢篁低偃蕭齋靜官作曇花輕
散

臺城路

寄友天津

楊青驛外垂楊樹陰陰曾繫畫舫酒市燈明官橋月映最憶
風帘低颺紅欄綠浪便聽滿東華夢魂難忘應有才人自

松墨寫惆悵 江湖何限客思况蓮坡別墅林泉堪賞杏蕊
將殘蘆芽漸起恰值西沽新漲登樓吟望須慰我相思頻貽
魚網好喚心奴炙笙傳逸唱

采蓮令

庚辰立夏日同企晉荀叔寶所過法源寺小
集時芍藥將開

啓精藍消盡纖埃處正簪盍東南舊侶當窗紅藥喜昨宵幾
度櫻桃雨料斯際湘靈鼓瑟峯青江上鎖闌將薦詞賦 好
趁閒時半階綠影分香醕又何異小查院宇企晉遂初園內
小查山閣最佳
斜陽芳砌風過候并覺花能語情未已藏鉤脫帽試聽歸鳥
猶勸酒徒少住

梅子黃時雨

適庭至都下街孟湖舊提解囊游卽次
昔年雨夜韻用敘幽懷

小別三年喜一笑乍逢還對芳夜記北碕詞場人如檀謝雨
浥蘋花憑檻坐露零梧葉移燈話微香地清夢尚懸竹外林

下 愁訝月泉吟社詢舊游芳蹟草碧琴謝更京雒浮沈勝
情都罷銀字誰憐調錦瑟時緣陰槐夏閣詞初刻竣綺窗無分題蘭柏已人
逝栽桑柘歸去課耕秋野

玉京秋

七夕後一日企晉南還既別賦此懷之

人乍別歸來尚延佇望雲淒切紅綾同宴青衫仍疊空在路
河橋畔慘垂楊一樹重折愁難說蘭舟獨伴蓼花蘆雪還
向故山先業檢舊時詩瓢酒榼近局中名僧畸客共耽幽絕
清夢回時應憶我常是東華仙闕銀河沒靜聽亂蟲聲咽

江城子

秋夜同適庭編次倡和詞卷忽風雨蕭森恍如身在舊時蘋花水閣中也

一襟涼思入清宵夜夜迢雨蕭蕭數徧檐花點滴響疎寮青
蘚空階行不得吟坐到水沈消對牀曾記住桐橋聽秋颿
拂梧桐京洛相逢仍共剔蘭膏蠅匾書詞藤紙膩誰付其玉

箏調

徵招 瓜子和適庭來嬰

青瑤膚裏叢叢列雪溪慣聞逃暑秋盡碧漿寒付羅囊深貯
十瓶休誤取算難比蘭金同譜玉指拈餘檀屑約後拋殘繡
戶綺席記重排官窰淺一撮先教送與更劃棗痕斜作

梅花瓣縷杯巡憑暗數祇怕惹故園清緒幾番想瑞草橋西

伴竹莊閒語清異錄吳越雪溪上瓜錢氏子弟逃暑取一松

東坡與王元直書往來瑞草橋與君對坐

莊門喚瓜子炒豆不知當復有此日否

好事近 題張柳洲侍御羅浮夢畫冊

溪外小梅花初破一林殘雪最好酒家門掩映疎煙微月

夜深皴玉爲誰溫相對正佳絕不柰翠禽朝語又夢中人別

雪獅兒 題文瑞容畫漁游春水卷

寒山春暖是千尺雪瀑飛來柔波如縠數尾銀鱗已到池塘
一曲香奩幽獨便翦取生綃小幅正寫得穿花拂荇濠梁清
淑 考槃近繼芳躅想靈均同住賞吟難足家法傳來原在
停雲書屋前塵恁促還又備藤蕪展讀雙鬟綠誰畫並依修
竹端容名淑寒山趙靈均之配爲衡山待詔孫女陸卿子其
姑也著考槃詩集圖前有虞山錢氏紅豆村莊珍賞印又
有柳曲居士書畫記意其爲柳藤蕪之私印耶

一夢紅

汪康古屬題桐鄉老屋圖

護茅廬有籬笆數曲筍蕨滿青蕪短鍤分來長鑱劇處畦局
已足香蔬早市取白鹽赤米共午飯松火熟山廚野圃生涯
底須聽笛夢憶銀鱸 添得江鄉佳味祇羨香勝肉蓴臠如
酥竹几藤窗瓦盆瘦枕老去真可清娛閉柴門日長岑寂賴
牀頭缸面發新蛆待約南鄰來飲隔水招呼

揚州慢

寄題墨花禪圖章小譜

白垂芒寒丹砂氣靜開函古色光晶是鐫銅鏤玉蛛迹其迴
繁歎蒼籀如今去遠雌彝鳳竚略擅遺型止黃門解字編來
體格分明 杼山詩老向圖章並寄閒情看攜拾零星朱文
綠篆堆遍書簾都是三蒼舊意藉辨取三字鴻經問搜尋倦
否禪牀興正飛騰

探春令

壬午春分初亭嶺占雲椒小集

唐花欲謝筠窗漸暖春中時候正東華退直當晴晝吳船至
丁香酒 閒門剝啄同鄉舊待消磨紅友話十分春色平分
後剩一半更休負

如夢令

端園夜雨寄雲清

看盡東闌春絮又聽西池夜雨知道玉窗人坐剔蕙蠟殘炷

寄語寄語夢尾花開幾許

臺城路

初夏送儲玉函主事南回兼柬史位存所存兄弟

簪花晏罷司清要
望郎譽標京洛玉
署抽毫蘭臺聽鼓還見
新詞盈握槐陰漠漠
恁忽念銅官煙巒繞郭
通路波生雲帆直下
最堪樂
杜郎水榭如鑿茶亭
橋社裏何限邱壑况有
芳鄰小眠齋近唱和共
耽華萼調弦開酌待追
夏吟秋西風又作一騎
重來相逢衿並捉

瀟瀟雨

沈學子書來知徐若冰于除夕前一日逝矣若冰生西冷居北郭曾屬余定其南樓隳頽箋錦字今猶填篋笥也賦此悼之

南樓霜月冷
溯瑤臺何處問飛瓊
記鉤簾寫韻花低楚
簾煙裊湘屏薄病不禁
短夢孤了上元燈剩有
春椒在會賦幽情
小展檀箋遺墨便團香
鏤雪未比芳名甚
芝田去也縹緲

六銖輕想殘宵誰詠風絮驗芳魂約略玉梅橫吳波遠紅窗
舊侶腸斷鷗盟

菱荷香

立秋日喜陸健男至都下曉徵冲之來殷小集

暑將歸正日斜珠網風透羅衣塵清曲巷小車並到堦墀砌
梧欲落愛盆池菡萏香微開筵處酒動玻璃脆堆碧藕涼沁
紅梨季重而今猶滯祇雕初下捧袂依依吟商刻羽題襟已
免相思僧寮况近時來殷寓法源寺好常從翦燭彈碁游興應
其無違銀河絡角再訂秋期

點絳脣

題畫冊爲鮑雅堂作

彖曲闌干舊時曾繫花驄住畫窗低語翦燭修琴譜香夢
重尋燕子銜春去淒涼處一溪柳絮兩岸黃梅雨

漁父

綠樹清江碧四圍
晚雲作雨釣人稀
攜竹榼解蕉衣
一棹萍花放鶴歸

聲聲慢

題若冰南樓吟彙後

詩宗北郭家
近南濠
芷齋當日齊稱十子飄零
西泠林亞清等康熙年間
猶繼淥淨芳名橫塘記逢春曉趁雙魚長寄幽情吟好
句視綠肥紅瘦加倍淒清
誰識中郎阿大是三生分薄悽
怨難鳴賦就傷心常聞珠淚盈盈香奩尚畱團扇寫漁莊煙
水柴荆從此後付紅牙傳遍江城

一枝春

題宋人畫壽陽公主梅花點額圖

曉夢初醒未梳頭
早向玉堦小立南枝信到已覺香塵寂歷
東風如愛送一瓣鬢雲微側應自有粉蝶飛來細賞眉邊春
色
誰知含章遺蹟但芳華久沒畫圖省識吳綃寫出別是

一番風格當年阿監定改盡六宮仙額正好伴九九消寒紅
脂並滴

釣船笛

疎柳掃江橋一隻橈頭船樣風外蕭蕭葭莢映蓼花紅穗

偶然跂脚把筠竿不用伴漁弟隨意尋詩載酒是畸人生計

臺城路

北地秋菴有與絡緯相似者聲清越可聽俗
以叫哥哥名之實卽袁宏道劉侗促織志所
謂聒聒者八尺琉璃香殘酒醒傾耳殊不惡
也爲填此解

軟紅三尺啼蜚少誰吟清怨如許瑟瑟鳴風蕭蕭浥露也比

寒蜚同數幾聲還住似苦竹黃蘆瀟湘暮雨叫罷山鵲有人

衫袖淚痕聚

行不得哥哥
鵲語也

楚魂尋夢正遠枕函憑喚醒相

對鸚鵡小貯筠籠偷銜雪飯斜挂碧苔窗戶春明倦旅記豆

架瓜棚故鄉殘暑擬譜哀蟬好同絃外語

時方
悼亡

竹香子 西陵道中

過盡桑堤柳陌野店初停銀勒幾番微雨溼征衣喜見青青
麥東風猶自側側遼山重被春雲隔棠梨花外共提壺知
是明朝寒食

疎影 澤陽旅舍秋夜

疎槐墜葉早蒼苔逕小蜚語初歇候館寒深酒冷更殘鄉關
夢裏難越西風最是銷魂候那更聽夜聲淒咽但半簾細雨
蕭蕭掩盡短窗微月苦憶梅邊竹屋夜涼零露底堦下刻
襪鬪草籌花蜀紙新詞猶在分香舊篋斷腸已恨秋江遠又
恨隔暮山雲疊待曉來重覓清愁鏡裏鬢絲添雪

採芳信 乙酉玉泉侍直時三月十九日也

禁林曉聽翠鳥徐鳴青驄先到恁送春春去落花已如掃層

層樓閣明流外新綠綠溪邊啟重門香滿紅蘭露
翠篠短竹映方沼更碧藻參差蒼藤窈窕敷尾披來正值晴霞
照蓬萊回首真天界蓮漏風中杳待明晨更上香山古道

解連環

題宋人畫孤山處士圖

翠屏千尺結香茅小屋橋邊溪側想春到煙水西冷又香雪
垂垂破寒先坼小坐筠牀卻自便輕衫短幘看山僮未到花
外臯禽來伴仙客因思昔年事蹟正東封將屆金泥玉冊
更誰料獨抱幽貞但疎影橫斜相共晨夕半幅溪藤畱千古
冰霜標格溯當時一筇一笠辦香暗憶予少日遊孤山小龍
有一童一鶴風神出處自是物外真仙後有司
改作四賢祠塵容俗狀而舊像不可復得矣

畱春令

水墨士女十二幅爲吳興沈宗騫畫依次賦
之思春

似夢聞香如雲漏月憶春何處招取東君低鬟掩袖思其嬌

鶯語 廿四番風猶未度身與韶光住祇愁南陌紅稀綠暗
又送花神去

望梅花 撫梅

苔石猶存殘雪枝北數花明滅來領寒香爭忍折可似上元
佳節憶得年時簾外月夢到故山幽絕

尋芳草 踏青

嫩柳綠如許誰得寫傷春情緒望蘅皋且幸攜僊侶正落紅
滿鈿路 恁風颺銖衣試羅襪淩波微步想雙雙共訴閒情
趣憑拾翠晚歸去

采桑子 采桑

版橋桑葉陰陰綠小曳羅衫親揭筠簾正是出家欲飼鷲
清和時候將登簇雪繭分函翠釜頻探更置纈車曲牖南

海棠春

舊花

海棠開遍香階側。喚小玉春蔥輕摘。初日照輕紅。添上雲鬢色。妝成不向垂楊陌。愛消遣蘭闌岑寂。試做衛娘書。別作簪花格。

品令

品茶

風信冷下閒階。猶覺宿醒難醒。石臺畔喜見松爐煖。分泉試茗。未啓櫻桃小啜。一翦香暗。誰省應還念。相如曾病渴。喚取待其品。

更漏子

校書

倦彈碁停擲。管愛校青箱。黃卷微步到小窗。西梧桐日影低。想像耽吟賞。應與檀奴酬唱。比謝女傲班姬。還須絕妙詞。

華清引

待月

碧梧葉葉下銀牀聽盡寒蛩檀槽獨抱誰見冰輪照晚妝
不須銀甲奏宮商秋闌無限淒涼欲傳清夜怨莫認在潯陽

一落索

搗衣

幾日含情添線又還搗練梧桐影裏井華涼砧杵雙鬟伴

憶得龍沙人遠淚痕零亂此聲暗祝五更風好吹入昭陽殿

醉花間

折桂

濃香起芳園裏折贈應誰寄卻憶小檀郎可到蟾宮未
盈攬翠袂先得姮娥喜攜插膽瓶看笑望泥金字

清商怨

彈琴

苔茵小坐香軟對玉琴輕按徐拂冰弦蕭蕭秋度鴈
欲寄清怨但悵望瀟湘雲遠飄緲餘音風篴畱共轉

河傳

禮佛

性耽仙梵慣向松龕香雲獨占小坡陀下蕙炷初染木樨休
更攬團蒲清課真無厭還細勘稍覺芳意斂比同天女何
忝散花好共驗

雲仙引

題仇十洲畫西園雅集圖蓋摹李龍眠舊本也西園爲王晉卿居故其家姬侍焉此雅集必在元祐初文忠文定弟兄及山谷少游輩皆在其後諸公散去且不久卽被譴矣圖向無年月略考正之

窗紫蘂花池青映竹依稀禁籥名家倚短杖駐輕車多是中
朝俊侶小集西園一徑斜樂事賞心談詩試墨鬪酒分茶
誰教畫入蟬紗又翠鬢雲鬟欲墮鵲瓊海將行玉堂難久轉
眼雲沙一幅丹青數成八八付與高禪說夢華內有圓通大師說無生法
蠶頭細字想停雲叟擗管咨嗟前有文衡山題字

綺羅香

又題十洲搗衣圖

半暉雲鬟低垂羅袖小坐綠梧深院鶯杵初停應是搗衣人
倦掩香巾粉汗微霑挂寶釧檀脣猶喘困腰肢侍女扶來龍
沙遠憶更悽惋夕陽花外猶在可是正須消渴笑嘗茗椀
晚製征衣重擬著綿添線祇可惜一片淒涼何自聞昭陽宮
苑剩戍樓露冷霜寒秋筇常寫怨

思遠人

戊子冬日叢臺驛作時往雲南

趙北燕南憑振策已到叢臺驛征鴻無定疲驢已困一飯少
求息彈絲擊筑今猶昔襖被叨畱客恁官燭將殘戍笳互
響夢歸正難得

簇水

風雪過漳河同升之作

如墨層雲稽灰欲落清漳口停鞭喚渡也不管茸衫溼透銅
雀荒臺已盡誰識當途舊徒杠斷此日未就思勝友便相

約夾河居住記佳話傳不朽而今漂泊欲耕釣成何有待得
半篙輕濟已是昏黃後催送急又聽胡笳奏

疎簾淡月

蠻暮南來湖外白蓮數頃內地所少並無有採其花而食其實者亦不知爲蓮也

荒灣遠水訝濯雪凝冰亭亭十里本少紅妝採擷畫船也邈
蠻雲已盡寒江外但相同蘋花徙倚誰能相認纖鱗微度閒
鷗忽起 正白羽初分天際甚翠蓋翻時幽香如此不管露
涼波淨脂消粉墜西池迢遞知難到祇盈盈微點清淚惟應
月姊宵分遙對一奩秋意

天香

香楠一名畫楠日久中有紋理變之如水墨畫然出虎踞關外六七百里濃陰直幹四五五月間

日色臨之香氣鬱勃聞者易以致病番人云此卽香瘴也其地距中華既遠而金沙江又由景邁而東出南海舟楫不能通故行軍時詢之番人云此楠蕃茂南北四五百里東西未之能人所止地不愛寶如此營卒樵採以歸爨飯時香氣益然肉桂亦雜其中蓋中華楠木皆來于越

春融堂集卷十七

海外洋而此則總限于異域耳

鐘砮蒸雲怒江絡石南荒久餘珍幹輪扁誰知工師未採一
任異香零亂陰陰翠蓋但綠盡八關東畔說是驕陽凍雨濃
芬總盈鼻觀 依稀瘴雲頻見染征衣病情難浣聞道浮來
瓊海雕陳几案驃骨于今萬里縱欲遡金沙路何辨祇供兵
廚晚來炊爨

蕭蕭雨

銅壁關芭蕉類蕉高至三四丈生谷中上出層崖葉長丈許成房漏者則取而蓋之壓石片可以禦雨花未開時類色微紅大如匏瓜蠶官觴客盛以漆盤川銀鉞飲之禁升許其甘如蜜

羣峯凝曉翠更層崖清陰散遙汀又長藤天矯高榕陰暘苦
竹崢嶸猶是芳心半捲難寫此時情掩映征途外紫旆紅旌
聞說仙莖初長有銀花欲展玉液先盈又何人愛客相餉

漆盤擎看戍房三重茅屋但翦來微壓護簷楹應小坐話巴
山雨聽到深更

臺城路

雨中過洱海望點蒼十九峯不得往書此記

十九嶺天際相逢似經青眼疊翠排空層
接漢多少松巖竹磳客游汗漫正凝駕
羈車名山當面誰料雲師曉來
觸石度重巘扶筇欲試游
帶衝風兼凍雨飛瀑頻濺玉局
嵐深桃溪煙暝閒作畫屏清
玩勝情未倦待回日新晴歸途
沙暖重訪山還可踐

瑤花慢

出雞足山還至賓川官驛

名山回首仙梵泠泠尚遠來林藪一重一掩恨此去偏覺肩
輿人驟山城如帶取路出驛亭前後上小樓點點青螺寧忍
匆匆分手瀑泉何處潺潺知送客情深直恁僂僂齋廚麤

飯也未敢遽試茅柴新酒落紅滿地又枝上青梅如豆更坐
深竹外香飄喜聽鯨鐘徐吼

水調歌頭

七夕同傅碧夢升之作

今夕此何夕碧漢啓新秋一丸花外涼月先已照牽牛料得
黃姑妝罷便試凌波微步終是不勝愁相見又將別淚與露
華流 值佳節逢俊侶小勾留細斟藥玉羅衫同倚看山樓
最苦天涯萬里况隔風塵兩載無語聽蓮籌料得京華夢也
不到蠻陬

金縷曲

碧夢刪梅枝爲飲煙笛屬賦

何事能消遣掩戎旂也無從覓香鑪酒殘差喜淡芭蕉葉在
輕颺煙絲一翦算偏少碧筩堪玩聽說蠻山冰雪裏墮霜華
尚有寒梅幹喚康結康結番人稱梅之語此稀見 斲來未覺餘芬散

恁蒼皮溜雨刮摩工攬如玉一枝清更直瑤草恰宜相伴

李長

吉詩呼龍耕
煙種密草

儘銷得秋深夜淺烽火連天雲霧黑點星星忽

憶春葱撚噴珠唾伴彤管

采桑子

再賦梅箭

靈犀一點透出絲絲雲掩冉瘦比琅玕馬上微醺破曉寒

蠻煙瘴雨香雪飄零誰見取翦得南枝梅信分明鼻觀知

憶江南

中秋追憶舊事做樂天體十二首

中秋憶最憶雪葭莊涼沁春葱湖薄碧香生雲鬢木樨黃俱
月拜筠廊

中秋憶憶得在蘇臺紅菱秋池珠露潤綠蕉月砌夜燈迴話

雨共銜盃

時同曉微鳳鳴
來殷寓滄浪亭

中秋憶水閣雨晴初楊柳風姿聯袂坐芙蓉詩格劈箋書宛

在小清虛

謂蘋花水閣

中秋憶白下最銷魂鴈齒橋西蓮葉舫蝦鬚簾底藕絲裊檀版隔花聞

中秋憶小住近明湖柳絮名泉閒躡屐鵲華秋嶂共提壺銀鹿伴香麝

中秋憶最憶住邗溝十部名倡齊度曲兩行狎客妙藏鉤燈影月華浮

中秋憶蒲褐小齋前詩社人歸停酒瓊妝臺夜永換花鈿人月鬪嬋娟

中秋憶侍直在西清絳蠟銷時仙漏緩瓊樓高處峭寒生吟對玉輪明

中秋憶三度鎖閨中煮茗分泉瓷椀翠研朱滴露筆花紅蓬

島與仙同

中秋憶從獵在金微萬里星河隨出塞十番簫鼓送行圍詰

旦侍龍旗

每年

駕幸熱河至七月二十五六日始演劇及聖節將近再演戲過中秋遂啟蹕入圍場

行獵

中秋憶壁壘大江涯兩岸蠻煙昏似墨千重鬼燐撒如沙何

處望京華

中秋憶人尚客荒陬鼓角軍聲仍北府琴樽詩興侍南樓家

遠碧雲愁

浪淘沙

羅紅本京雒歌伶飄流大理博晰齋觀察以詞贈之屬余爲和未見其人也

羅幙篆燈紅玉頰春融京華回首萬山重誰分酒旗歌扇底
摻袂相逢蒼雪照簾櫳遠鬪眉峯使君見慣尚惺忪撩起
羈人無限意夢裏愁中

渡江雲

辛卯九月將赴成都渡江門驛風水甚厲噴薄中至鹽州小憩飯罷始

路盤金筑盡惡溪一綫磨石濺飛濤斜陽山外隱三老相呼
待渡已魂銷輕篙纔舉便橫穿雪痕千條暫夾岸停舟相慶
頃刻度嶢嶢浮橋鳴笳伐鼓擊柝懸燈更驛樓窗篠胡牀
上清樽並設足慰蓬飄醉來猶覺身如葉眩空花銀海光搖
喜明日驟綱又聽征鑣

玉漏遲

寓松茂館旬日內當即往魚通進討作示曹荔帷及秋汀弟

三旬風雨半錦官雖到征衫難換籌筆方殷負了故人聞讖
但有棣華問省且招集江東詩伴還空羨雒陽城裏舊游如
見自甲戌在如皋與秋汀見後至今已十六年匆匆萬里橋南又小住萍蹤松
潘行館雙鬢蒼浪忘卻昔年情款遙指維關千疊想路出魚
通更遠衝霜霰那更頻年兵燹

燕山亭

歲暮合兵美諾與升之夜話

風靖危巢兩路軍麾已向疎林並進半載分衿風雨相思難
約萍蹤鴈影火報平安看幾夜烽煙已淨山徑正一笑伸眉
舊愁都省還幸沐雨炊風便書檄頻繁起居猶勝從此東
華綦詔紅旗應有家人相慶鈴索聲閒且暫免嚴宵告警
寂靜好消受殘年風景

沁園春

自樊榭老仙逝後武林詞學歇絕茲夕讀徐
袖東刺史詠桃樂府猶見虎賁中郎之似也
喜而和其韻摩盾鼻截牋尾郵寄子登春軍
次時癸巳六月望前二日燈下書

檀筵生香松煤含潤細描穠春似紅版橋邊穿籬短短青帘
樓外壓水粼粼被禊人遙浣花箋在杜牧詩浣花
牋紙桃花色回首蘇堤
蹟未湮銷魂甚伴垂楊似幾嫩草如茵西泠詞客無存愛
城北清詞琢句新念冰雪重嵐韶光不到烽煙遠徵芳意誰

申與我周旋爲郎憔悴感此飄零過路塵天涯恨歎仙源難
訪長是迷津

淒涼犯

中秋感悼蓋自得雲清亡信已周年矣

冰輪如濯乘秋望素鸞何處淒泊相思路斷返生香燼經年
蕭索紅絲綠薄又雪壘風煙常作祇宵來如珠秋露苦伴淚
痕落 萬里京華遠况是吳淞海天綿邈玉屏蘭筍應還似
脩眉隱約水暗雲荒更難認當時妝閣便夢魂欲去難度警
鈴柝

金縷曲

閨葯圃郎中近日倚聲甚夥詞以索之兼東儉堂補東

衰謝今如許渾不記東吳舊夢引商刻羽昨日燕臺詞客到
爲說京華仙侶真个是筆驚鸚鵡楚幕烏啼刁斗靜傍寒江
愛咏巴山雨裁蜀紙夜頻賦 年水慣向窮邊住歎參軍老

矣祇工蠻語縱有中仙家法在誰耐更尋簫譜空悵望新聲
白紵石屋繩橋烽火地也應須一聽花奴鼓煩寄我浣愁緒

陽關引

袖東來而復去畫玉叢情露小幅留別賦此送之

雪嶺飄秋雪小住旋成別烽煙將靖行正近茱萸節盼天涯
俊侶寥落晨星列淒涼處臨岐畫角曉嗚咽仍寫分袂意
吳縑潔宛湘潭上粉香淨珠露浥把同心認取朝晚銷愁絕
但霜時枯楊瘦盡不堪折

解連環

官軍下宜喜連營大江南北商風薦爽成都諸君又送南酒至街杯小酌蓋兩年來所未有也

西風送喜聽隔江呼嘯啼鳥驚起自進屯幾及三旬望風落
山空雲旗天際誰料先機已不待囊沙聚米任霜清月苦螺
徑千層笳吹猶沸已如投醪情味更攜來畫榼重煩鴈使

看爐火石上猶紅且喚取老兵瓦盆先洗小作消寒怕掙卻
瞢騰睡思去聲但得除羈愁一枕夢回京邸

春融堂集卷二十八

青浦王昶德甫

琴畫樓詞四

絳都春

丙申正月回至成都游青羊宮

崢嶸金碧是千古舊留仙宮帝宅臺榭如新香火微消仍遺
蹟當時柱下人誰識共瞻仰猶龍風格函關紫氣經傳尹喜
常垂竹帛最憶流沙西邁便後裔遂啓晉陽英傑奕葉盤
根射雀銀屏符嘉錫中有唐高祖寶太后像青羊鑄在苔堦側但不見
青牛舊式更看旌旆飛揚製同宗祏

高山流水

爲楊九我題藍田叔山水挂幅上題云甲申夏日畫于西溪山莊想爾時猶未得北都信也而水墨蒼寒春日而有秋意北風雨雪之感已應于筆墨間耶

百年遺墨最淒清畫幽居竹樹縱橫墟路莽蕭森春來未見

農耕也不似烟水西冷想正值雨晦風濤時候桑海將更是
布衣老去無處寫昇平 幽情空懷昨時夢秦淮上語燕啼
鶯勝事總難尋承露盤已先傾繪桃花竟惜娉婷還家處一
任天荒地老獨掩柴荆笑藝林評泊分派指溪藤田叔後人指爲浙派
不知其胸中涇渭也

霜葉飛

霜降後五日復病來殷星實諸君攜酒來看兼憶策時升之跋三方宜先後下世

清霜初向層檐下茸衫早覺寒薄勞人草草始歸來伏枕還
蕭索揜茶鼎蘿窗西角相思誰更循前約有紅藥交游偕俊
侶高軒偶駐閒門剝啄 回溯廿載江湖詩場酒座都作遼
東化鶴後來孰可定文章恐負黃墟諾秋已暮襟懷正惡過
從且盡閒時樂况直沽雙螯到擣辣篩香再同絃酌

大聖樂

題文衡山前後赤壁賦畫冊

如此江山幾番烟月勝游千古况天涯正值新涼放棹幽尋
愛受滿身風露酒熟魚香歌聲起又一似飛仙凌玉宇憑空
望嘆赤壁烏林英雄何處重來清景如故至石瘦波寒秋
又去對臨臯木落雪堂路遠夢回無據唳鶴東飛休相警祇
此意停雲能領取定當日是座上吹簫伴侶

金縷曲

題潘湘雲小影爲胡元謹作

試問眞眞影是玉山芝僊女史調鉛點頰寫出鴛湖娉婷侶
宛是春愁未醒剩掃取梅魂相竝一片玲瓏蟲炷石倩柔苔
自襯湘褰冷秦簫約忍重省楚江烟雨無憑準念斑駁何
時見也三生空訂彩鳳隨鴉誰知惜零落燕釵蟬髻休腸斷
紅樓薄命環珮歸來圖畫在有紅屏和淚題清詠更才子元
謹薦香茗

又 答馬依墀

令節過重午趁熏風綠陰蟬噪紅窗燕乳走馬蘭臺初罷直
小集江湖倦旅還跌宕茶鎗酒具劇羨東籬才調美甚年年
失意嗟岐路和淚寫斷腸句題來宮扇工如許付旗亭吳
孌應唱瀟瀟暮雨我已天涯磨盾久不耐引商刻羽喜此夕
翦燈同語錦瑟華年振觸慣擬攜君坐月修簫譜頻喚取玉
箏度

八歸

送張漢宣歸吳興并序

天低鴈字適逢南陸之辰風颺驪歌言指東吳之路
命朋尊而道故恨似江淹難官燭以言懷愁逾庾信
况復豐臺霜冷塋無可贈之花潞水冰堅岸渺堪攀
之柳於時冬也能不悲乎爰有京華舊侶湖海清流

素叶神交夙同道術姑分劇韻用寫離棕亦知去舞
萊衣欣還桑梓歸貽秦鏡喜動靡蕪此行楚水燕山
不盡分襟之歎他日宮雲苑樹重期摻袂之歡

圍鑪小集翦燈深語相約共過九九西風况攪長亭雪正值
苦寒時節偏教折柳芳草釘深梨酒熱且還對二三朋舊知
其劈小幅吳箋譜此際倏憊 最憶經年下榻評香鬪茗促
坐聽殘清漏而今獨趁驟網鴈字歸向畫眉窗牖想水晶宮
裏遙憶東華定回首郵程遠重來未卜臘尾春頭短書能寄
否

謁金門 題畫

香茅矮畦局幾稜寒菜籬落茶蘼開玉蓓兔須綠屋背 竹
榻倦拋黃嬾料理茶僧酒海斜拓藤窗疎雨灑隔江聽欸乃

渡江雲

過汾湖訪午夢堂疎香閣故址尚存

垂虹橋外路丹楓葉葉村落遠模餽小堂名午夢并有疎香
妝閣對烟蕪掃眉未了記三生已誤仙姝聞說正紅絲將結
便化彩雲徂 飄車桂宮不返梵筴香燈與慈雲同住只傳
得零章斷句玉冷花孤那亭洛浦應相等恁難逢翠羽明珠
招魂去凌波儻下清都

萬年歡

追題葉元禮山塘尋春冊

竟體芳蘭是七葉名家風調相繼慘綠年華合作荷衣游戲
况值春陰新霽便喚取吳船沙尾纔半篙行過桐橋小紅闌
下斜檣 紋窗六扇未啓諒不教鸚鵡唬醒香睡待捲珠簾
試看粉融脂膩好倩青禽作使恐重說紫薇情事還怕是倩
女離魂單衫再滴清淚

見江湖載酒集
高陽臺一闕

醉花陰

題廖纖雲女史墨蘭

檀心碧葉香風遠
恁丹青全浣水墨一痕寒
描取湘花補入
離騷傳
葵齋遺派無人管
賸冰絃彈怨只付與幽閨淡影
微勻畧似春螺淺

齊天樂

小桃源女道士觀在木瀆西偏少日數往游
馬蓋從前觀主呂貞九青浦人康熙年間道
行與施亮生齊名及楚游歸得南嶽魏真君
法吳人建此奉之觀左有蓬萊道院數楹前
方池池上長橋橋南小亭昔亦嘗夢至此地
半池明月風露倚然將渡有姬止之曰此非
應渡時也望亭中杜對聯云野店溪橋香入
夢繡簾明月夜緇經不知作何解恍然而寤
今道院久圯池亦湮沒惟堂前鼠姑盛開凡
數十本遊者尚多欣賞

小桃源近河干路
誰知武陵重到水國舟移雲房徑曲雨後
蒼苔未埽鐘沈磬杳但嘯鳥畱春篆香繚繞紫案丹鑪蓬萊
何處問烟島
石梁空憶縹緲月寒清夜裏曾隔方沼簾底

繾綣花時尋夢舊事廿年縈抱仙人歸老恁萼綠蘭香松風
飄渺常有繁紅數枝依翠篠

釣船笛

題秋圃覓句圖

蘅晚起新涼風動篠簃千箇最好翠玲瓏外有鬢蟬斜暉

襄陽播擢好鈔來松花滿雲朶付與冬冬閒唱和玉簫聲破

沁園春

邵梅亭屬題花韻館圖

卸卻青衫卜築衡茅薛殿湖頭愛短籬六枳紅薑枝亞橫橋
三板碧柳絲柔硯北無人花南誰侶通隱時娛白社秋知何
日再對牀抱被石竹頻留

見晉書

耽情芋圃瓜邱只禪伯樵

兄竝唱酬况香生薤簾堪容高臥苔黏梅杖足伴清遊料理
吟身從容致語蹤蹟何妨比四休期相訪向藤窗共倒酒琰
茶甌

夢芙蓉

柿葉山房畱別張玉壘時已亥秋晚乞假將帶回日下

商飈高閣敞看一林柿葉殷紅初上諸峯埽盡濃翠見秋爽
主人延勝賞茶鑪正發清響蘭若微香有幾層紺塔移影到
書幌廿載前遊渺莽何事閒情終作邱中想碧梧翠竹已
向瑤階長謂坤厚諸郎家山真可傍棹歌無奈先唱指點蒲帆嘆
菱灣荻浦後夜夢難望

國香慢

將往青州職事道過閭門畱別企晉懷朱吉人諸友

雉堞如雲訪故人新宅曲巷斜分小廊攜筇相見對坐微曛
試看方池湛綠偏銷盡玉典珠墳苔堦鼠姑謝喚掃殘紅還
薦芳罇硯山仍似舊認喬松修竹臺榭無人時企晉遂初園黃川書屋

皆因分產別售

清歌按拍

舊日周伶侍側

夢幻難溯前塵又恨揀花

風緊淮南北催送江艚歸來近重午待約同遊再賦銷魂時

擬于職事後挈家南歸
旋以使泉江西不果

清波引

庚子仲夏雨中至南昌百花洲寓舍風景幽絕殆與虎阜不殊挑鐙作此

風梳雨沐喜繫纜章江正綠垂楊景最入戶茶香熟屏影低
明燭相對數莖叢竹只愁簷霑丁耽還似伴青蘆宿漳蘭
芬馥閒倚隱囊畫軸風塵局促何緣占清福宛在山塘曲如
此賞心難足再尋南浦西山昔賢遺躅

金縷曲

新秋讀桐石草堂詞中有寄簾石一闕感和其韻非識曲聽真誰知別有懷抱耶

何處重尋醉念頻年吟箋分寫來禽青李白楮坊南嬉遊地
慣聽僧鐘烟際更潑墨閒情偶寄楊柳春旂南去日便忽忽
遠別題襟輩想昔雨雜悲喜青衫誰識今蕉翠剗摩挲江
湖小集墨渝紙做指點小屏風中路宋詞小屏風盼望舊遊
何已澤石前從錢文端公遊歷西江最久擬喚取明童息子唱徹懷新桐石句

灑天涯清淚如鉛水况節序又秋矣

早梅芳

初至湖上與書局諸君就莊小敘卽示慢亭

柳橋深芸閣靜書局開幽靚扁舟初到正值梅花破春冷記

簪豪捉麈共寫湖山景問山翁久逝此樂又誰省

海鹽陳文勤公昔曾

居此尚有遺墨

舊遊稀新知并莫負扶筇興消盡香雪更上籃輿

訪名勝梧桐吟夏雨菡萏秋令鷗盟此後長訂

點絳脣

題稼軒先生墨梅小幅蓋曹慕堂通政所藏時居其地

翔鶴堂寒堂偏半幅梅花瘦雲窗月牖淡到無何有

疎影

浮筠猶見熏香守還回首山陽笛奏立雪幾時又

聲聲慢

癸卯七月初五日臥疾將起企晉東有獻之桂攜樂部來過寶慈齋感而有作兼寄姚雪門臬使湖南

廳正當三

楊巨源詩月華初到第三廳

夕將臨七蕭齋十笏清虛小隊蠻

韓攜自問疾文殊試省哀絲豪竹追愁悵絕勝巴歛還看取
有乳鶯新燕串串歌珠 芍藥如今蕉萃念瀟湘路遠鴈斷
音疎伶人芍藥爲雪門所眷合與吳儂相伴茗椀香鑪西窗嫩涼乍起
好消磨翠蠟紅綸儘款坐聽初更纔滴漏壺

三姝媚

杜曲桃花甚開約東有往遊夜雨不果因寄來殷京師

長安開小住喜已遇春來杏花微雨千點輕紅想盈盈多傍
紫薇村塢擬喚青驄約酒伴尋芳幽墅無那東風吹濕香泥
翠巒如霧 應是良遊難遇但簫局爐香相對款語可是當
年正香鞵欲跨也會間阻來殷以乙未歲游秦飲游杜曲因雨而止有詩見于集中待訂
新晴又怕東君將去閒聽秦雲低唱別銷愁緒東有來殷等
頗英錄皆曲部之俊也

渡江雲

東有在長安歌場酒座懽聚半年今入春旬日忽生故園之思抗手分襟祇增悵茲時余

老病連綿未能走送與此以貽之兼示子才
明府

春來猶未醒歸人憊早草草上行車指點蓮峯外芳草秦淮
金粉鬪韶華隨園無恙同舊侶款竹尋花應回憶南樓月夕
椽燭照紅牙堪嗟廿年贈紵半載題襟正幽懷未寫况病
中懷人送遠難折疏麻垂楊不綰絲鞭住背灞亭迴鴈橫斜
今夜夢相隨先到樓霞

金縷曲

送婿嚴瑞唐南歸

醋醋紅於火灞亭前幾行風柳又驅鈴馭華岳千重關四扇
望斷青厓紫邏虛後約東牀高臥飛絮簾櫳仍如雪卻無人
清咏珠生唾時女粹卿先歿仗短劍向江左石公溪畔停單舸溯
空齋妝臺盡篋蝸涎蛛裏蕉萃青衣爭忍見謂侍婢况見瑤
環倭妥已兩載瓶沈鏡破短夢輕塵三生事覓鸞膠取次同

青瑣休憶舊淚頻墮

驀山溪

題史簡芬秋樹讀書樓圖

三高祠外誰在層樓住畫裏小簾櫳趁清秋吟湘賦楚支願
跛腳款竹更無人擁筠牀開錦暉俯仰懷今古須得閒身
占取閒亭墅如此好溪山恁年年征衫塵土吳淞鷗鳥一樣
舊盟寒問何時攜短櫂共聽垂虹雨

水調歌頭

中秋夜翫月同史簡芬楊質山余伯扶作

誰伴老夫病端愛素娥幽娟娟三五清宵況是值中秋退了
一襟殘暑收了一痕殘雨涼意滿簾鉤風露浥仙桂芳韻勝
香篝掩書幌疎酒琰聽更籌珠杓銀漢空教賓從詠南樓
憶得曾填小令數盡生平悵冷余在滇南曾賦望江南詞十
二調記中秋時生平所歷之
地又負五陵遊歌管夜深寂歸夢落蘋洲

龍山會

和汪少山家石華史誦芬金夢齋楊寶山諸君九日作

病起仍消瘦雪密泥深誰省重陽候金鈴開滿螯也不耐相
對簪花賭酒哀鴈并寒蜚更簷外雨疎風驟任吟朋研箋齊
擘新詩同奏年來慣愛清齋題罷香饒虛卻持螯手余以
蟹不食蟪蛄盈短牖遺挂在贏得淚絲黏袖時姬人相莫勸去
登高怕望見一彎蛾岫况故園歸期又嘆蓴鱸空負

秋霽

將赴商州宿藍田館舍間輞川諸景云悉已蕪沒惟華子岡竹里館尚存然路距二十里日暮不及遊壁間嵌輞川石刻圖頗工高令昱許揚以見惠喜而填此

紫閣藍山正迤邐西南一路葱峭宅記延清名標摩詰竹里
尚存餘照郵程初到欲尋遺蹟荒涼早但聽取水石潺潺秋
籟出叢篠高情如見歸自菩提飯僧縛禪終寄嘯傲念千
秋巖扉寂寞溫經人在真同調尚有青珉圖畫稿幽賞未已

他時策騎歸來踏殘紅葉徧欹湖道

壺中天

湖陽路曲折數十里至山陽葱蒨深峭雨後鬱翠尤濃善畫者莫能寫而農村漁步上下幽寂宜古之高隱多出於商雒間也

峯迴路轉向商於東下雨餘浮翠洗得千重眉黛影烏柏青
楓分綴笭簪橫舟桔槔傍屋欲畫知難擬碧雲未散和烟漸
作新霽正好候館蕭間竹軒梅磴香信來仙桂應是畸人
畱剝啄聊與風塵小憩晚稻登盤秋菰薦酒不盡漁樵意殘
霞纔捲半蟾已挂松際

買陂塘

回過藍田憶張漁川昔日其姪爲買水田四十畝作歸老計漁川填詞一闕誌之後久客竹西而水田亦已易主蓋至今二十七年矣秋宵感舊賦此愴懷

念幽人性耽詩酒數椽久寄江北花場月地多清興祇嘆秦
關遙隔憑鴈翼幸阿買關情先作幽棲室一區可得儘荷篠

春深帶經早起歸隱定能必 年華換子弟徒勞相憶椒園
杏館虛葺篋中詞卷空吟諷孤負當時籌策霜鬢積想我亦
何時乞取勞筋息秋懷悽惻計勝地蒼寒昔賢瀟灑此樂本
難及

長亭怨

過開封秋帆留飲酒罷追憶終南仙館中舊雨惟雅存一人相顧黯然時丙午臘月初三日

正寒夜六么聲絕酒罷歌殘蠟缸紅紅泣如夢如塵山陽何計
寫幽怨青綾帳外看猶是詩囊畫卷但覺殘年風景異舊遊
雲散 悽惋年來歡聚處常得朝游晚宴傳柑爆竹可仍似
終南仙館况天南絕少征鴻又誰遞數行芳訊便他日重來
已怕恆沙難辨

摸魚子

有贈二鶴者畜于竹月廊未幾鶴病因送歸化寺育之以爲他日之約

看金江朝來孔翠無從更睹仙羽筠籠攜得雙孳尾點綴畫
堂容與開放處計梧竹長廊苔石供微步一枝堪住正小墊
香茅時分玉粒照影對花嶼嬉游慣真可凌雲嘯雨慨慨
又及嘉侶紅塵只恐銷清興使伴禪燈佛鼓君可悟待逸翮
脩成應和迎陵語我將歸去想遙指華亭連蜷共起還警海
濱露

應天長

戊申四月因駘騰越城工復至大樹園總戎劉君之仁留飲時猶曾入貢已抵近關

蠻江一綫翠嶂千層又來叱馭登陟雉堞新成更爲誅番壯
邊色懷前歲剩舊蹟望銅壁關山路直榕陰地下瀨傳烽噩
夢都息叢竹尚如初昔雨依依猶勞薦青碧酒名聞說金沙
江上獻琛已馳檄慶中外邀平格正好是凝香宴客微酣後
難忘當時佩刀籌筆

瑣窗寒

小雪日泊潯陽聞匡廬瀑布凍已旬餘薄暮微雪陳觀察蘭森使人饋安化芽茶

斷浦凝雲孤笳吹葉吟肩微聳江潮欲退畱得楚天雲重又
隨風收帆圍鼓登登已破船窗夢只征鴻隊外依稀如見珠
簾畫棟遙空飛花送問廬岳蒼寒懸流早凍西林鐘動圓
月清光未縱聽瀟瀟吹遍殘蘆此時擁鼻誰人共喜多情雀
舌貽來香茗資夜供

三部樂

己酉夏初過徐州叔華來驛舍剪燭夜談至漏下三刻而別

戲馬臺高是往日雲龍舊游勝處重來情夏又見濃陰滿路
祇是身似浮雲問斷蓬蹤蹟也盡難訴不堪把盞更聽彭城
風雨尚聞清鵷安穩道傳經設禮多依杖履黃樓至今猶
在山水如故好登臨吟商賦楚望常寄長湖魚素共嗟遊倦
知何日偕老農圃

霜天曉角

大東阿因憶竹垞先生詞亦用一闕

曉日初紅近名山岱東指點陳思祠宇殘碣在沒荒叢西
峯神女宮雲雨暗芳蹤欲聽水絃舊曲響清籟起松風

解連環

題寒閨吟席圖爲羅兩峯作

竹西鼓吹恁寒閨蕭寂別饒情味應竝隨綠淨芳標

謂徐夫
人德音

厭繡度金針箏調銀字障了青綾都安著筆牀翡翠把簪花
妙格飛絮清詞共課幽思朝來焚香掃地對寒銷九九雪
梅初試嘆彩雲容易飄零便寫入新圖春懽秋悴此去江鄉
料只是孤吟山鬼惹三生招魂剪紙蘼蕪清淚

徵招

春暮夜寓秦淮雲深無月風色瀟然幾如秋晚
錢學淵家若農來晤有作

鷄鳴埭外彎環水春餘尚縈桃葉十載又經行嘆鬢絲重疊
烟波渾是夢喜小阮天涯還集書劍飄零琴樽寥落綈袍誰

給博士少從容耽古藝鄭服兼通鄒夾苜蓿一盤好著
書盈篋盛衰今古事且莫怨秦淮殘明劫晨去爲寄雙魚趁
進潮風急

瑣窗寒

題龔半千山水半千有絕句云畢竟山家氣
味清竹牀安穩几寬平風多閣上無燈燭瀑
水中宵似月明半千明賢本崑山人國初
常居白下

友結東堂

半千與山東孔東堂尚任友善沒後料理詩畫皆得其力畫宗北苑天然高勝

一匳遺墨常有霏微嵐影正盈盈夏日初長瀑泉翻作冰霜

冷待秋來更轉銀灣

自記夏抄作

遠瀉棲霞高頂清迴蒼苔徑

見落葉先飄是無入境幽蹊斷阜誰識此中風景況如今香

草俱荒

半千有香山詩

山家氣味又誰省想夜深竹密風多禪心

還獨靜

催雪

長沙小除夜有寄

石炭凝紅銀樽湛綠又是小除時節看展齒春泥牆腰霽雪
不似燕山風景誰伴取寒窗還此別怱怱燈火淒淒絃管旅
懷難說愁絕最蕭屑記詠絮傳柑博山同熬炷蕉萃天涯
丁香空結鴈過瀟湘斷也更難望京華雲千疊須盼到堤柳
微黃小巷纔停征轍

數花風

辛亥春過西坪宿明日爲穀雨而桃李已謝
風景蕭然

棟花開處隴外黃雲千頃滿箬似慰老農請竹屋清烟幾縷
山廚烟暝好乞取半盤香餅昔年曾記最愛粉牆窄影歎
嚶笑語遠相應此景而今何處柳稀人靜料獨有鳴鳩知省

西江月

題程荆南松寥山館集

詩卷慣吟樊榭家居卻對松寥湘烟楚雨更迢迢坐愛溪山
清曉一自吳牋移贈十年夢斷魂銷種花常憶舊風標誰

識玉樓先召

又 元夕獨坐

雪影未消鴛瓦月明斜上鷄窗少年情思未全降曾遍花街
柳巷 幾處柑傳羅帕誰家香炷蓮幢老來清坐伴殘釭愛
聽鄰鐘微撞

霓裳中序第一

停空鏡予在關中得之鏡銘云鍊形
神治瑩質良工如珠出匣似月停空
當眉爲翠對臉傳紅綺窗繡機俱面
景中凡三十二字在篆隸之間當以
蘭成詞意有謂蜀後主所作殆未必
然但鑄非一次輾轉傳摹故其間字
畫少有異耳

菱花光似雪誤說蜀宮妝閣設慣伴鈿箱脂牒鐫得芳華詞
穠意密舊情難說想現影雙雙清徹可記取塗黃傳粉圓印
比明月 應出庾郎詞筆只鼓橐良工頻易霓裳桂露曾濕

繡橫何存玉輪未闕勝姻歸往劫非杜宇題紅已滅嬋娟好
樂昌如見攬袂定鳴咽

小重山

題儲玉函花鏡填詞卷

屈曲屏山晚寂寥石牀閒選韻舐仙毫茶烟鬢影自推敲憑
誰譜擬付紫鸞簫 翠袖按紅么詩人猶未老燕鶯嬌風懷
晒我已全消香燈裏吟坐對團蕉

一剪紅

題九九消寒圖○此圖始于宋代畫梅一枝

上有空白八十一蕊法以長至日曉起挂枝
臺左取胭脂片點唇後則加一點于蕊中迄
春分盡凡八十一日則寒消春滿紅梅爛然
與窗外梅花隱隱相對故為九九消寒圖明
宏治年間秦藩青陽子刻在蘭州歲久漸泐
吳中女士吳楚霞等重刻此圖且各系七言
一絕真閨儺佳話也

展吳綃見南枝綻雪珠蕊發春朝粉蝶誰知翠禽欲語羅浮
遠夢初銷臙脂匣妝臺乍啓將玉指微注小櫻桃爆竹聲中

傳柑節裏日日親描 惆悵西秦遙遠但研朱滴翠畫筆誰
調雲髻梳成銀鬢理罷重摹韻事偏饒更相約瑤京仙侶
香麝揎袖染纖豪留得歲寒風景常對眉梢

擊梧桐

癸丑初冬舟過玉峯題葉書城繡餘詞草明
葉文莊公盛會孫女文敏公方霽姪女也吾
邑王編修素巖以駢體序之

半繭今何在

半繭爲玉峯文敏
園陳其年有賦

留一卷猶伴青箱黃嬾柳絮

深閨早同姊妹終是謝家丰采小窗聽雨小樓望月更寫柔

情如畫多少銷魂地喜吟罷尚有解人能解

其配闕宗寬
文學有名

苦憶當年東家俊侶已似明妃遠嫁腸斷書頻寄風雪路薄

命偏歸紫塞

書城與同里周青禽相
善後流落北方以沒

那及故鄉安穩熏香壁

錦剩綠窗舊話又詞林色絲幼婦題句瀟灑

國香慢

夜來香

銅雀臺荒嘆靈芸久逝

薛靈芸一
字夜來

猶剩芬芳依稀楚蘭凝綠

珠露微灑正值新荷出水生香處月上迴廊晚涼雲髻驪數

朶拈來好助殘妝

羅幃風漸逗想雙鬟墮枕插滿釵梁銀

絲開遍此際真伴荀郎回憶少年情事今贏得佛火禪牀何

人再同夢待與素馨竝供西窗

百字令

重過修竹吾廬其前本有詠月亭今圯廬額
亦素巖編修隸書尚存

吾廬三徑是玉堂當日曾題翰墨菡萏生香花半頃更有簷
簷翠滴往事全非前塵空省都化秋蕪碧月亭久圯此間猶
挂遺蹟相間豆架瓜棚淺沙流宿雨難停遊屐少欲乞漿
滋舌本不見松爐芳溢鳩杖枝輕蟬紗袖冷兼恐新涼逼草
堂資乏誰爲好事重葺

曲游春

訪張幻花先生舊居諸勝先生自華亭移居
吾里蘆爲十景見青浦詩傳中發後三十餘

載子孫零落十餘分與比鄰同人攜酒過風
荷草堂有殘荷數十本餘地則皆屬之市買
所居感而賦之

白髮人重到認陂塘三畝鷗鷺來往憔悴殘荷其風梳露浥
兼葭蕭爽好景誰知賞齊歸與蛩吟蟬唱看幾番挂壁蝸涎
盡染畫屏書幌此外亭臺下上又零落芸籤都付宿莽記
得從前有清流相訪題襟撰杖髣髴柴桑巷今賸得蘋花敗
舫苦將詩卷重開舊游難忘

木蘭花慢

訪江樓里西磧山房。西磧在鄧尉瀕湖
處明李長蘅欲作六浮閣未成而先爲圖
以志之者樓里置山房僅三十年今訪之
竟無能指其處蓋又爲山農所占矣其南
卽騰嘯臺石壁皆廢但存湖南精舍扁爲
明僧德清所題繆修撰形八分書之南望
漁洋法華諸山紫青環翠于風帆沙鳥間
而久無游客所聞吾笑吳人不好事更可
感也

望澄波烟水翠嶂遠遍西南儘臨曲村迴峯懸徑仄香雪重
嵐曾聞竹西詞客結茅茨數架俯沈潭喜帶竹爐茶竈并攜
筇杖蒿簪何堪過眼似優曇往事與誰參但傳說檀園六
浮未作空記崇巖畫圖久經零落任樵兄漁弟作叢譚剩有
臨湖石壁法書猶染柔藍

醉江月

家鄂舟將返南潯袖出新詞見示吟諷之餘念其吳越薄游心情寥落殊黯然也

兩番過我恁忽忽空向荒齋留宿落魄江湖知尤甚誰肯生
涯瑣獨袖裏長牋燈前小令石帚真堪續寒宵雅集一樽共

倒醺醺

時衢州戴金谿在坐

自愁臥病經秋茶烟藥裝枉撰歸田

錄殘雪孤篷還相送聞少杜陵茅屋乞米無從牽蘿有恨時寓

居外

難盡愁千斛春來且約清游同飲山嶽予將自道場

步月

梅村爲介州子士驥故居亦即介園遺址吳祭酒復作衆志堂梅花庵雪樓鹿樵溪舍澄亭

諸勝秋日往訪則顏垣斷礎僅有存者高孫履文出遺像見示感而賦之

承露盤空臨春閣圯前塵多少疏涼不堪故里本已歷滄桑
指瘦燈霜高少葉認殘梅雪盡猶蒼空傳說水天閒話綵筆
重宮坊 茫茫玉京去湘絃隔怨曲腸斷清商尚餘遺挂不
似在巖廊溯蕭史魂銷北地念家山淚盡南唐傷心處一樽
重爲炷名香

雙頭蓮

題王弁州虎邱觀月圖同游者爲錢齋室而張君度圖之

歸自瀟湘便桐帽棕鞵山塘遊賞綠陰薦爽澄霄外漸見嬋
娟旣望菰蘆小友偕來對花宮雲幃郎當響鶴澗微行不藉
徵歌傳唱 層層塢影橫斜愛茶牆酒市殘燈猶上清幽誰
狀但憑取妙墨纖毫相仿回憶經閣祇林皆弁園內名勝嘆名園宿
莽喜蕭齋一幅輕綃千秋神往

孤鸞 蠶陽仙子祠

靈旗香火是小閣伶仃仙姝婀娜夙世塵緣罷事驗三生果
 風前六銖衣薄尚依依髻雲偏左應與西池南鶴待平分仙
 座 記琅琊小傳曾親作想稽首飛鸞宛同薩埵竟趁颿車
 去見畫圖流播龔州四部藁有墨鸞大師紀尤求有白日升天圖落花久經夢斷又
 臨川誤傳珠唾試看名賢往昔著詩篇唱和湯若士有花妖木客之曲論者
罵然然竹垞詩話已力辨之而吳梅村陳確庵皆有過墨陽道院詩並無識誤則其為誣罔無疑予撰太倉州志石君中丞時在安微寄書來辨故今
祠中聯額為中丞手蹟也

露華 題婁江閨秀陸琳牡丹

調脂澱粉是傳得閨襜纖玉親運零落繁華偏許鼠姑獨趁
 重重姹紫嫣紅不使韶光易盡閒窗啓翠豪拈來還寫妝影
 春殘尚剩春信與芍藥將離綠堦相引濃豔幾枝誰似徐

家風韻定知描罷吳綃羅袖淚痕偷搵婁水曲何繇并瀉幽恨

百字令

竹垞太史客津門時曾倩曹秋厓畫竹垞圖長卷李武曾高潛人諸君咸有和作伯元閣學令工臨之屬予追和攜至鴛湖道中爲填此解

鴛湖放櫂正春殘兩岸楊花漂泊一卷生綃重畫取彷彿前賢
栖託茆屋彎環蓮漪澹沲空負幽居樂潞河騫旅潮生還看
潮落料得投老歸來輶篁影裏昔雨同絃酌記向竹西頻話
舊惆悵苔荒井幕耆碩凋零雲初衰謝喜更開邱壑丁丑戌寅間余與稼翁先生同寓邢溝又與伯承同年同官陝右時語南北垞蕪廢悵惘久之今稼翁早歸道山伯承下世亦十餘年而伯元能他時過訪青鞵還賜籬角修復之是可喜也

綠意

駱佩香畫白芍藥小幀見贈

橫斜小朶是沈香別種初放瑤圃似有幽芬隱隱生來不到

開紅深處豐臺春杪曾遊賞也誰見者般眉嬾想愛陪萼綠
妝樓懶把胭脂輕注坐對遠山浮玉曉窗涼似水仙管容
與埽盡鉛華自寫孤標誰分鶯歌蝶舞采蘭人去尋芳徑只
畱伴生綃翠縷知良宵月冷風淒芳淚頻霑清露

遠朝歸

歲暮矣倪米樓自錢塘來訪畱宿村莊剪燈話舊所謂風雨鷄鳴不覺悲喜交集者也

鴉陣噉寒正催作去殘年雪意橋橫疎柳不分仙舟來棹相
看一笑還帶西泠風味長檠底訴分攜兩載舊侶天際猶
憶塵軟東華在小閣平津新詞頻遞雲林樵翠重話吳城楚
水云有江老夫况病料此後圍鑪能幾情難已勸住到玉梅
風細

金縷曲

題汪對琴松溪漁唱卷松溪在歙縣蓋以寄其故山之思也

小舫停波面正秋深柳絲如縷蘋花似霞彷彿松明溪下路

兼有竹寮梧院空記得韶年曾見久別黃山清夢杳仗仙毫
一一描東絹看樓榭隔雲嶺羨君本是南都彥但微吟側
帽鬢華霜泣久識臨川工述德況有雙芝蔥蒨謂兩郎君更頻進
南陔蘭膳花月小秦淮一曲數主持風雅推專擅休重憶故
林遠

湘月

樂園夜宿圖自宋元符中朱長文居其勝詳見吳郡志諸書屢經易主扁額尚存池亭猶舊而當時所營十景松檜藤竹之盛無一存者近爲秋帆制軍購得地在宅南將爲他年歸老計不意病致楚中歸喪于此嘉慶戊午初夏予宿園中俯仰陳迹間題于壁

方池碧漲是元符前詰退隱親携往事前塵步屨處花砌苔
闌依舊短約三層虛窗四面更入各人手坊通履道暮年定
可相守誰知露電功名旂旆歸日空對停鯉首卻倚闌干
新雨過荷芰田田如繡壁月猶圓卿雲已墮悵望澆杯酒今

宵一枕夢魂猶繞書數

後集五種秋賦新建議藏書數萬卷及書畫石刻之所

霜天曉角

孫鑑之以秋山話雨小冊索題

秋嵐如沐暮雨連松竹閑倩練那俊侶

圖為嘉定張農間作

拈筠管寫

僧屋

此間三友足酒香兼茶熟幾許巴山清話小窗裏剪

殘燭

青衫濕

題女史汪晚玉畫扇

秋蘭零落芳魂杳誰賦楚詞招一枝斜倚分明悵怨露冷香銷
些些渲染黃添鞠蕊紅暈梅梢攜來便面畫眉窗底仿
佛纖豪

浣溪紗

帶得餘杭玉屑來

詩

紗螭團扇共銜杯捲簾燕子正雙歸

斜日有花開白萼斷雲無雨潤黃梅西山隱隱聽輕雷

掃花遊

已未九口同張翼庭錢同人從孫繹如游橫雲并奈山知止山莊回船月朗因其填此解

雨疎風細是作出重陽登高時候已招勝偶放扁舟穿過斷

蒲衰柳路指橫雲苦被雲遮翠岫登岡阜恁綠野平泉多剩

荒鴛

時王氏懷清堂張氏宿雲庵俱廢

東去訪茗帶喜金粟初殘玉蓉如

繡高風難又

仲壽故宅白石山房茗帶盧皆在其左

歎詞場詩座早歸鳥有蘭

權纔移忽見銀蟾影瘦同斟酒祇孤負持螯左手

宋詩天生左手為持

螯崑山朱厚章亦有此句時予戒殺不用團臍故云

雪獅兒

吳江郭祥伯於友人得蠹書一紙空處皆作蛙形鬚翅連蜚宛如粉墨裝成小冊屬予紀之

漆園醒後無蹤誰識畫衣猶潤蠹簡殘來剩有佛龕

友人能別字

認柳嬌花嫩似未減黏香傳粉宛春日羅帷開處避風斜趁

脈望休嫌太忍恁零星餘紙轉增丰韻展向書窗不怕圓

晴偷進裝成小本儘銷得佳人餘恨憑配準再剪祝英臺近

王京秋

庚申八月二十日敷文書院講德齋前桂花盛開與邵升泰吳梅梁李光甫坐花下夜半而散

秋香馥桂花著新露正開金粟風迴小扇涼生單縠晚集蕭
齋俊侶愛銀蟾休剪銀燭幽情足呼來冰盃共傾芳醪連
日編珠綴玉定無愁青袍立鵠時方鄉試况此宵梧陰閒聚茶鐺
棋局賦楚吟商算好景仍似西窗夜讀寒蛩促終遜後堂絲
竹

西江月

柳圃時聞大呖莎階已絕蛩鳴西風落葉上衣棱陡覺薄綿
衫冷橫卷已收黃鶴長箋猶看青藤明蟾如到小窗櫺不
怕書齋秋暝

綺羅香

清風閣同人祭太鴻啟君

雉堞連雲虹闌印水香火又開禪宇見說詞人零落尚餘桑
主刻商羽舊譜猶存問雲初故廬何處尋朝來雨伴涪翁小
窗相對尚應許 往時況有鴛侶還踐雙棲約松龕移住貝
葉蒲團勝似孤墳秋雨從此溯北郭清風也不羨西溪古渡
還須向桂魄梅魂瓣香陳綠醕

霜天曉角

題溪山秋霽圖

泉枯木落翠壁清如削人在斷橋深處知倚杖曉行樂 林
壑耽寂寞草堂隱鼓薄欲寫空山幽致琴可抱倩菱角

聲聲慢

爲張金冶題紅椒山館長卷

只談風月宜著山巖卷中雅興誰同家在城西名園水石玲
瓏鶴沙舊蹟已渺 喻射園爲許鶴沙官詹故宅 剩後賢小置房櫳山館外

有竹凝烟綠椒綴霜紅

應是名如萼綠

李長吉詩本是張公子曾名萼綠花

恁宮花苑柳不愛春裝領略清秋偏耽茗椀詩筒憶曾攜筇

過訪眺雲林塢影重重甚時再點書燈還聽夜鐘

清平樂

題陶寧求紅豆相思卷

無人采擷畱伴閒枝葉只待同心雙綰結領取相思親切

絳雲樓閣消沈

錢氏山房在虞山

東禪舊巷誰尋

惠氏山房在東禪寺好與紅

兒記曲蠟珠垂處微吟

探春慢

游絲樓聯句

么鳥穿林疎蟬抱葉人在翠雲深處

德甫

拂地簾低銷池荷小

銷盡人間煩暑

寧求

節亂斜陽影被一徑檀欒遮住

德甫

水窗占

得風多細香吹上詩句

寧求

俯仰偏愁日暮記白衿烏紗東

華塵土

德甫

柴几橫琴石闌點筆且領此中幽趣

寧求

一樹追涼

好華胥引夢魂飛去德甫喚醒芭蕉綠天幾點疎雨求寧

三姝媚

孫雲鳳及妹雲鶴孫令宜女有春草開房俗
松軒兩詞集取法南宋風韻竊然而所適皆
不偶故多幽怨語其第三妹
是匏瓜無匹也令宜為予辛未補闕取士官
至四川按察使歸卒錢塘許周生以其詞見
示以此題之使留心影管者共知憐惜云

三珠誰得似想風月湖山深閨連理滴粉搓酥向西泠竝作
掃眉才子減字偷聲近稍播茶檣酒市豈料前生五角六張
紅絲誤繫常向蓬窗憔悴羨徐悱多情秦嘉上計咏雪中
庭又孤鸞獨舞季蘭小妹鏡約荒涼只恐老青裊縞袂應付
蜀鵲訴怨夜嘯清淚第三女令宜按

瑤華慢

山礬本名瑤花取其葉和以礬染絹則嫩黃
色極佳故山谷更以山礬名之南海普陀此
花最夥梵語小白花也蒲褐山房池上忽見
此花高四五尺許幽素香潔蓋吳中所少

水仙久謝梅葉初垂又輕花點點蘭碕竹塢春已去常有異

香掩冉涪翁使在便喚作弟兄何忝正香光欲證莊嚴尤喜
風迴曲檻芳根本出海南常潤擁慈雲遙對潏灩品占雪
月更何論縑素嫩黃能染優曇散盡卻好配旃檀閒澹當不
減春桂微芬吹上書牀鉛槧

本草云有草木山礬
一名春桂能辟書蠹

春融堂集卷二十九

青浦 王昶 德甫

賦

固窮賦

嗟浮生之靡託兮等孤雲之無依掩華門而塞甕牖兮獨廓
處於河麋幾三旬而九食兮雖乞米其焉施旣嗙爾之弗屑
兮守季女之斯飢視種種之橫目兮僉酣豢於輕肥曾不如
肖翹而喘栗兮迺自獲其生機矧四時之平分兮遘懷秋之
爲厲玉衡行指夫孟冬兮覩百卉之具萎先肅之以寒露兮
又嚴霜之堪畏槁葉慙其盈階兮亦蘭凋而菊悴孤蜚咽而
不明兮征鴻斷而遙唳風堀堞以勃鬱兮將墜戶而何濟羌
提衿而見肘兮亦納履而蹕決顧懸鶉之百結兮想焚糠其

無術肆屠發之日甚兮復因之以痼疾彼水帝子之不肖兮
莽憑陵而難詰午則墜於淩陰兮夕又藝之溫室入膏肓而
見濕灰兮魂煢煢而若失念送窮而莫之送兮欲驅鬼而無
由驅夜輾轉以反側兮渺徐徐而于于有裹飯之良友兮乃
睽隔于一隅盍問天而搶地兮泄衷曲之煩紆惟高堂之聖
善兮勗好修以爲先曰大造之馮生兮詎榮悴之有偏曲肱
適以樂孔兮陋巷乃以鑄顏釜魚稱于史雲兮瓜牛傳於孝
然苦節奚不可貞兮在義命之所安謹長跼以受教兮忽形
開而神釋企先民而見程兮甘寒士之失職覽圖史之盈前
兮激歌聲於金石曰味道而飽德兮勉藏修而游息掃俗情
之輾轉兮還冲襟之淵默永積雪而斲冰兮嬾歲寒於松柏

陸機宅賦

望秋巒之婉孌兮溯谷水於五茸紛叢林之晻靄兮巨浦激
之交通想昔賢之厝此兮構軒宇之寵從嗟歷年之久遠兮
漫烟草與霜蓬西風颯其颯舉兮軫弔古之盈胸惟討逆之
乘時兮繼紫髯於江汜挺公瑾之雄烈兮佐以魯呂之英偉
暨昭侯之父子兮更鷹揚而虎視及柱石之淪亡兮數乃終
於天璽伊二俊之篤生兮鍾邁世之奇姿曾筮仕於牙將兮
固宜閔恤於黍離何單車而入洛兮覲壯武之見知荀隱肆
以狎侮兮盧志逞其嘲譏覩暴朝之贅亂兮寧不悟往者之
已非感濡沫於成都兮抗皇輿而弗察美南征而作賦兮兆
牙旗之忽折長史斐非於前兮闔豎從而詆訐踐妖夢于黑
憶兮寄悲思於白紵惜棣萼之同歸兮違保身之明哲彼夫
念家鄉之景物兮有步兵之先還顧榮勗以引退兮孫惠詔

以辭權知道家之所忌兮向統率夫師干雲蒙蒙而晝暝兮
雪平地而覆覆懸圃隕其積玉兮空行路之銜冤聞墟墓之
可尋兮封馬鬣而未燬何書堂之久傾兮罕遺基之可紀段
補詩蕭條讀書處遺跡尙堪尋緬積學而閉門兮互參稽於道藝允龍駒而
鳳雛兮慨功名之爲厲鶴唳慘其難聞兮問黃耳而誰寄固
才地之永可憑兮詎時艱之易濟羌捷徑而寤步兮掩予襟
以流涕庶後來之可鑒兮謝繁情於臚仕

聖駕幸江南賦

謹序

蓋聞洪鈞運於穆不已之功至聖懋日進无疆之德於是省
方設教有孚惠心勿憚再三以綏我婦子以穀我士女故崇
禧茂典銘金石播雅頌焉鴻惟我國家參天兩地久安長
治

皇上純熙大介登三咸五大庭栗陸之紀蔑以尙諸茲又再
舉時巡纘

祖烈廣

慈惠軫輿情

和鑾將駕海隅日出之邦疇不山呼草偃重

返

天子之光矧

臣

釋褐通籍霑被

優渥宜與春禽時鳥蹈詠

盛軌昔司馬相如崔駰鋪張美富或失之靡今

臣

作賦一

篇上獻

行殿雖未踵趾前哲要以其事實其文質庶幾導

揚

至德要道風示海寓用徵信於萬禩

惟我

皇上御極二十有一載歲直丁丑六字寧謐八荒康阜一莖
六穗之瑞徧封圻雙觥共抵之祥育林藪諸福之物鱗至麇

走昭示嘉貺溥及九有於是南都黎庶人足家給謂羣者歲陽重光歲陰汁協我

皇上乘元正布先甲用奉

懿懽以纂

祖法展義巡方上紹鴻業 湛恩霑霑若風渙而雨集爰計其時六載而匝蚩氓日夜延矚而尙未見 新命之浹也敬稽

聖祖六幸江鄉蓋俯念我三吳士庶情殷於瞻雲就日而志篤於揚烈觀光是以省方鉅典大書不一書百姓呀呷踴躍削劄奔趨仰日月之光華挾雨露之膏腴迄今父老傳述猶津津輔頰而勿渝焉矧聞古有虞氏五載一巡徧於方岳蒼姬御錄厥數維均茲距辛巳正翠嬀再巡之辰宏庥大典曠

然弗陳羣志曷以慰而下情奚以伸且我

皇上豐功駿烈萬倍遂初惟準噶爾鑿齒竄竄濟惡蠢動宥死稽誅邇者吳巴什衆懷仁送款命偏師以驅之阿睦爾撒納走殪達瓦齊就俘今茲二萬里外皆列我戍邏繡旂不極威棱遐播西濛屢捷聞於江左我百姓冀於車塵馬足閒申愛戴而致祝賀也稽首大吏慚以上聞於是

帝心俞頒絲綸擇攝提格月青龍在寅載觀二男五女之盛重莅乎三江五湖之濱維時盛德在木日麗奎宿東風解凍律中太族

天子由青陽颺金奏奉

安輿頌

慈壽鸞輅陳蒼龍轡先貸積欠協布德和令行慶施惠之隆

繼陳烟火示

璇闥錫福同民偕樂之懋由是望於泰岱禮於泉林厯孫家
集之漫溢濬荆山橋之深潯閩中河而魚龍攸伏按節屋而
鴻雁無吟登乎安福之艫濟乎清淮之浦臺旣經乎文游
寺亦陟夫香埠天寧之僧梵遙聞平山之官梅欲吐松寥浮
玉胥浪細而波融瓜步京江更風恬而日煦攬曲阿之烟巒
睇蘭陵之雲樹爰戾止於姑胥駐九旂之容與懿此名區
首標虎阜石湖遠而按藍支硎近而擢秀穹窿則琳宇凌霞
光福則玉花盈岫閣因聽雪而淙潺榭以臨湖而延袤忽萬
笏之參天緬名臣之如覲表高義之名園勗流風於醇厚迺
句吳之舊俗率侈麗以相先閭里以紛華表愛戴牧守以藻
飾明恭虔瓊楯鉛砌玳瑁雲枿結綵繩之緋纓懸文繡之聯

繇橫三重以晃朗銚五色而黝躡合六街以鼇牀擁天驥
而弗前杼媚茲之積愆洵繼盛而爭妍於是乘輿臨之穆
然有深計焉謂綺麗弗可日增而豐稔弗能屢冀也長吏以
愛民爲經細民以節用爲貴重農桑斯衣食盈甘儉樸斯日
用遂布帛菽粟立其恒孝弟廉恥厚其治凡所垂訓於臣民
一如初巡之深至維時祥霏藹藹靈雨其濛天桃灼以含
潤垂柳依而嚮風麥如雲而登壠秧如毯而抽叢鴛鳥翩翩
於邨舍桑扈習習於牆墉
慈闈俛視以色喜

宸襟遐矚而意冲將徐次于於越逮醴化於浙東蓋禮樂制
度之咸正量衡律度之綦同茂典施古而益晉殊恩較往
而彌崇斯擊壤謳吟所莫罄而珥筆廣巖所罕窮矣乃復系

以辭曰

粵惟揚州厥土泥塗厥賦上上神倉是輸厥性柔順愛戴是孚厥情侈麗以博 歡娛昔頌

仁祖恩澤之濡近仰

文母福德之敷 六飛戾止曰紹鴻圖呼嵩戢戢奉璋于子和風甘雨溢於亨衢五載以徧仿彼有虞於萬斯年其永斯模

精理亦道心賦 御試

惟一原之渾合涵萬有之粹精擷其華貴博珪璋於文府窺其祕宜闢奧窔於靈明厥彰厥微默契直孚於穆沕爰清爰靜淵懷潛貯夫菁英導厥迷津既愚菴之忽破通其幽鍵乃純懿之徐呈證乎心源接寶筏而隱生其趣澄乎心鏡索元

珠而曲會其情游目有資在返性真之蘊沖懷所達必緣考
索之誠學以延年能參微旨因朋舊之贈言抒性天之妙理
課虛責有非芒芴而無憑極渺窮幽豈散殊而莫紀撫行生
之稠疊俱肇洪鈞攬品彙之紛綸皆宗泰始化以迭出而互
形意以追尋而同軌得言忘象可徵靈需之閑卽境會情寧
藉筌蹄之指是則理因紛錯而寄其端心以明磨而融其迹
衆形未集心儲理而泯於希微羣動初乘理印心而彰其順
適含妙有以恒凝賁虛無而不隔存存靡閒惚恍而遂躍其
機皎皎常清要眇而自藏其宅息心以還真宰辨奚取於惠
施攝心以養天和力何須於椒亦得諸妙領彌徵動靜之宜
休乎泰鈞各見智仁之獲蓋以理本心涵理由心造探之而
宛接乎真機研之而始親夫至道神行官止心樞洞徹於鴻

濛虛往實歸心體普同於蒼昊一以貫者旁暨無垠眈而存
焉皆堪自考參象外而其義非懸得環中而其光可葆何思
何慮町畦聿化於淵襟無臭無聲囊括攸歸於沖抱彼夫晉
宋間之名理本異聖賢人之操心守寂則遡道流於雲笈譚
空則覈釋典於珠林蘭碩夙標夫虛勝茂遠遐肆夫研尋輔
嗣清言希蹤簡牘真長超詣極意遙深雖託崇情以高駕實
憑幻悟以居枕遊乎其樊止屬妙心之獨運託乎其域豈知
大道之可欽況乎

聖德光昭

皇仁和煦心則合乎允執上接唐徽道則協於蕩平其遵周
路松庭端拱廣運被於嬰荒蒿室垂旒基命形於頌賦奉三
無私而錫福克通易簡之根建五有極以訓行丕衍圖疇之

數洵垂理學之真詮用大心傳之要務固將儕皇古以同倫
又何有詞人之足慕

進次賦

違嶠江而西逝兮羌禹跡所未經踰絕險以千里兮復進壁
乎岩寧鸛雞鳴而蓐食兮把長劍兮余將行踐盤盤之犖确
兮俯萬仞之如劓伏戎潛而隄嘯兮營窟穴以隱形顧槍纍
之枝格兮渡澗湍之騰沸登參天之峻阪兮亂石崩以匝地
馬哀號而不前兮鞭屢施而屢躓盡捫衣而振余步兮驟北
風之淒戾屯雲紛其交會兮羣峯窮冥以晦蔽罪密雪之才
騷兮咸酸眸而結氣春冉冉其將暮兮何鬻發之猶厲衆卉
蕪穢而未拆兮藁木萌而仍閉土膏闕以弗生兮洵瘠壤之
可棄徐登頓於山顛兮擘周陟之橫從山層疊以截辭兮雪

漳春而弗融蠻硯究其巖巖兮後夫窮而終凶走礮雷之隱
轡兮佇大師以乘墉緊梁州之絕徼兮在唐宋爲吐蕃人跳
踉而工鬪兮性狙譎而凶頑使蠶食之弗圖兮將封豕之爲
患茲王族之義征兮策永固夫屏翰順取逆而大取小兮奚
繫街之不早懸軫三軍之暴露兮匪一身之足歎惟禮經之
明訓兮戒登高之懼辱彼樂正之守身兮尙下堂而傷足遵
危涂於九折兮景王陽之蹊局余獨輾轉以遠邁兮悲嶮巖
之頻復親舍渺其曩遙兮白雲望而盈矚歸旗廬以塊處兮
忽涕洟之相續

夏雪賦

嗟歲序之奄忽兮驟孟夏之恢台何殊方之詭異兮聞聖牘
之崔嵬曠景失夫炎煥兮雨露鬱其條詣羌朝霰而夕雪兮

積冰玉之皚皚朔飈憺憺以時作兮雲霧閉晦而長霾悲余
處此戎幕兮吹鑪灰以自擁裘蒙茸而再襲兮詎織絺之可
用我姑酌彼苦酒兮融四肢之寒凍乃徘徊而審其故兮茲
方屬於坤維曰履霜而堅冰兮維初六其占之紛卦氣之凝
洄兮歷長嬴而弗移疇揚庭之可決兮草木遏其葳蕤緇氏
羗之性習兮國凜烈以自若恐諸軍之久役兮鐵衣冷而難
著辨色起而築壘兮暮周陟以鳴櫓聚燎火不得溫兮仍手
足之皸瘃藁街其庶蚤縣兮殄氛祲於戎索詠罪罪以來思
兮匪挾纊而足樂雖嚴威之中人兮亦奚啻陽和之迴薄

臥龍岡賦

奉英簫而南淮兮跋長岡之繇巨清灑灑以東流兮豐山
嵯峨而西映聞伏龍之所臥兮畱昔賢之名勝縹余馬于山

之阿兮尙瓣香而致敬嗟炎德之將熄兮宗衮溷于龍蛇天
寶錫以良弼兮乃應運於瑯琊初薄游於襄漢兮復隆中以
爲家寄長吟于梁父兮恒抱膝而咨嗟繫出處之純正兮邁
古今而寡偶豈管樂其能羣兮固將與伊呂而爲友感三往
之殷勤兮爰委身而援手先奉辭于危難兮繼徐圖夫戰守
稔西川之阨塞兮迺高祖之舊都富庶等于中原兮聯眞奭
與彭盧出三巴而彰九伐兮巾幘已瑟縮而趨趨何星芒忽
隕於郭塢兮宿志終苑結而難舒緬西南之遺蹟兮永民夷
之傾慕惟南陽之草廬兮更流傳于行路望棟宇之崔巍兮
仰冠裳之軒翥想瞻泊以明志兮久曠觀于時數出片言而
決大計兮定三分之統緒洵儒者之氣象兮識宗臣之偉度
雜時日之在葵女兮冰雪皓以迷漫嚴飈聿起而淒厲兮響

松柏之巖岼雲旗儼其來下兮似恨王業之偏安欲陳詞而
慨慷分紛涕泗之闌干

三高祠賦

爾其灘名釣雪橋巨垂虹笠澤西來而擅勝具區南注以朝
宗竹塢蓮塘是逸士棲遲之地魚簾蟹齋前賢寄託之蹤
緬三高之遺址激千古之清風當夫霸越功成沼吳業著知
烏喙之難同表鴈夷之雅素千金屢散其貲三徙奚妨自汗
已徵貨殖之才仍矢幽居之趣眎伍胥之樹梓差保功名慨
文種之乘潮空張憤怒又如典午啓豐秋風欲徂指銅駝于
西晉懷鱸膾于南吳攜手同行邀良朋而未遂考槃在軸驗
王室之終蕪託首邱而作賦聊盃酒以爲娛至若兵燹西京
羽書南國謝書佐而弗居號天隨以自適漁庵漁具別擅生

涯樵叟樵家頗耽荒寂田園可樂兼栽顧渚之茶篇什時吟
遂結松陵之集懿茲真隱本不同時志豈耽乎忘世識皆炳
于先幾匪高名之足慕因勝地之可依歷數朝而清標互映
雖異地而雅尚堪師是以石處道圖象以祀趙伯墟建堂以
移也夫其俎豆長新香鐙相屬寒谿波漲座對鳬鷺古砌春
濃臙圓藤竹招魂而欲仿楚辭伏臘而猶傳巫祝鬚眉嚴在
猗歟物外之姿簪紱何加芻矣塵中之躅宜其躡人遠宦瞻
懷梯以躊躇釣叟鼠師鹿蘋蘩而往復矧乃素商已屆碧露
將盈荷芰餘香而未歇蕖葭作雪以交縈感緇塵之欲染景
素履之恒貞風馬雲車敢締烟霞之契筆牀茶竈庶尋湖海
之盟